



UNIVERSITÄTS-
BIBLIOTHEK
PADERBORN

Universitätsbibliothek Paderborn

Margarita Evangelica

Essche, Nicolas van

Coloniae, 1545

meditatio super salutatione angelica. 52

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

MARGARITAE EVANG.

peruertar. Atq; vtinam mihi cunctisq; inhabitatoribus tuis amarescas.

Septima petitio & solitudo inferni.

SED libera nos a malo] O Deus pijsime, da vt veraciter doleam de omnibus contra tuam voluntatem a me perpetratis atq; commissis, vtque ea pure confiteri & perfecte emendare studeam. Et deduc me in inferni solitudinem, qui ab omni bono desertus est, vt illic cernere valeam, quam seuerè mala puniantur, ne me quandoque male agere delectet, sed vt magis sanctissimæ vitæ tuæ exempla sequi contendam, & extra me fugiens, in te habitem summo & optimo bono meo. Denique iam cum omni sancta ecclesia dico [Amen] id est, fiat.

Deuota meditatio super angelica salutatione. Cap. LII.

AVE Maria] Saluent te, o benedicta in uentrix gratiæ, castissima virgo Maria, abyssales & immobiles diuitiæ essentia diuinæ. Salutet te omnipotentia patris, qui te elegit, vt omnipotentis verbum suum in carnis visceribus tuis carnem & sanguinem pro nostra salute assumeret. Salutet te Iesus Christus verus Deus & homo. Salutet te spiritus sanctus, per potentiam patris & sapientiam filij viuificans & illustrans omnes id ex animo considerantes. [O Maria] tu aptissimum semper venerandę Trinitatis instrumentum fuissti, quod ipsa prior nominis tui litera M designat. A verbo spiritus tui paupertatem, R animæ & corporis

LIBER III.

ris tui puritatem. I te fuisse internam in spiritu si-
 gnificat. Dulces nanque & deuotissimæ aspira-
 tiones tuæ sublimem & immobilem diuinitatis
 montem commouebant, vt in te flueret. Et quia
 Deo semper vnita eras, ideo & ipse se tecum
 vniuit, qui est Alpha & O, principium & fi-
 nis. Et hoc vltima signat litera nominis tui, A.
 Utinam nunc, o beatissima Maria, te ex me
 sanctus Gabriel archangelus cum omnibus cœ-
 li ciuibus salutet, renouans tibi vel centies mil-
 lies angelicam suam salutationem eo modo,
 quo a charissimis tui amatoribus vnquam pro-
 fertur. [Gratia plena] O dulcissima virgo Ma-
 ria, mater pulchræ dilectionis, quæ est ipse De-
 us, vere gratia plena es, illa videlicet gratia,
 quæ est Deus ipse, qui propter nos ex te fieri di-
 gnatus est homo. O Maria mater sanctæ spei,
 Christi videlicet humanitatis, in qua tota spes
 nostra consistit, per quam & redempti sumus.
 Obsecro te per vnionem illam, quæ erat, & est,
 & erit semper inter diuinitatem ac humanita-
 tem, purissimumque corpus & animam tuam,
 ora pro me dilectum filium tuum, vt me se-
 cum vnire dignetur, quo gaudium eius in me sit,
 & gaudium meum in ipso impleatur. [Domi-
 nus tecum] O Maria dulcissima, dominus te-
 cum est. Dominus pater, dominus filius, domi-
 nus spiritus sanctus. Non tamen tres domini,
 sed vnus dominus. Deus pater, Deus filius, De-
 us spiritus sanctus. Non tamen tres dii, sed vnus
 Deus. Increatus pater, increatus filius, in-
 creatus spiritus sanctus. Aeternus pater, æternus
 filius, æternus spiritus sanctus. At tamen nō tres
 increati, nec tres æterni, sed vnitas in Trinitate, et
 Trini-

MARGARITAE EVANG.

Trinitas in vnitare, tres in vna potentia, sapientia & bonitate. O Maria pijsfima, tecum erat, est & semper erit beata Trinitas. Tecum est Christus Iesus Deus & homo in vna persona, siemens, vt nec humanitas in diuinitatem, nec diuinitas in humanitatem trāseat. Qui cum esset Deus ante secula, ex te o virgo castissima factus est homo in fine seculorum. Quapropter oro te, o dignissimum summæ Trinitatis instrumentum, vt eiusdem supersanctissimæ Trinitatis vnitatem pro me depreceris, vt Deus omnipotens per sanctissimæ Trinitatis suæ virtutē, meritamque sacratissimæ humanitatis suæ me idoneum faciat, cum quo esse possit & ego secum, & in quo gratissimam suam voluntatem perficere queat. [Benedicta tu in mulieribus] O mater domini mei, vere benedicta tu inter oēs mulieres. Quia de tui benedictione cœli & terra cunctaque tuis existentia lætantur. Benedicta quoque tu inter omnes creaturas. Quia in tuis castis visceribus Deus homo factus est, te nihilo minus virginē inuiolata permanente, qui etiā nouē menses in te quieuit, virgineaque suxit vbera tua. O igitur virgo castissima, ostende mihi nunc ternam pietatem tuam, & exhibe dilecto filio tuo gloriosa sanctaque vbera tua, ex quibus propter nos refici dignatus est, eumque depreceris, vt patri suo quinque sacratissima vulnera sua, pro nobis ex amore sustinuit, obtendat, quatenus per ea ab omnibus peccatis meis emundet, & consequatur pacem & gaudium in me habere possit. [Benedictus fructus ventris tui] O virgo pijsfima in hoc fructu sanctissimi corporis tui omnia est gratia vitæ & virtutis. Omnes qui prece-

LIBER III.

siue pessundāt cūctā quæ cor maculare possent,
hoc sanctissimo fructu tuo replebuntur. Quia
quem cœli, angeli videlicet & sancti capere nō
poterant, tuo gremio contulisti. Et eum, qui te
creauit prouide, lactasti sacro vbere. Trinam re-
gentem machinam clausum Mariæ baiulat. Et
hic est fructus ventris tui Iesus Christus, Amē.
Nūc itaq; rogo te, o mater piissima dōmini mei,
per gratiam illam, quam præstitit tibi Deus, q̄
ex te homo fieri dignatus est, tibi subditus fuit,
in matrem suam te elegit, & sanctum spiritū su-
um tibi cum septem donis ipsius, quibus te exor-
nabat & aptam efficiebat, dedit, vt pro me do-
minū depreceris, quo diuinitas ipsius per dignif-
simam humanitatē suam septiformi gratia lan-
cti spiritus exornare me dignetur, quatenus in
me pacē & gaudiū habere queat. Istud obsecro
impetrare mihi digneris a bñdicto fructu vētris
tui, vt ipsi sine separatiōe vniri possim, Amen.

Credo, siue Symbolum apostolorum.

Cap. LIII.

S Anctus Petrus] Credo in Deum patrē om-
nipotentem creatorē cœli & terræ. [S. An-
dreas] Et in Iesum Christum filium eius v-
nicum dominum nostrum. [S. Ioannes] Qui cō-
ceptus est de spiritu sancto, natus ex Maria vir-
gine. [S. Iacobus maior] Passus sub Pontio Pi-
lato, crucifixus, mortuus & sepultus. [S. Tho-
mas] Descēdit ad inferna, tertia die resurrexit a
mortuis. [S. Iacobus minor] Ascēdit ad cœlos,
sedet ad dexterā Dei patris omnipotētis. [S. Phi-
lippus] Inde vēturus est iudicare viuos & mor-
tuos. [S. Bartholomæus] Credo in spiritū san-
ctum.

H H